



SIUMUT INATSISARTUNI ILAASORTAATITAT / LANDSTINGSGRUPPEN

13. december 2011

Inatsisartut suleriaasiat § 37 immikkoortoq 1 naapertorlugu Naalakkersuisunut imaattumik apeqquteqarniarpunga.

Naalakkersuisunut Apeqqut:

Sunaana Nalunaarut (bekendtgørelse) tunngavilersuutigalugu 1.maj Namminersorlutik Oqartussat inissiaataasa akitsorneqarnissaannik unioqqutinnerarlugu oqalunneq ilumuunnginnerarissi?

Sinerissami inissiat oqummik eqqorneqarsimasut iluarsaanneqarnissaat qanoq naleqarami?

Sunaana naatsorsuineq tunngavigalugu akitsuinikkut 2012 aamma 2013-imi 26mio.kr.-inik isertitaqassasorisusi?

Inissiat oquttut iluarsaanneqarnissaanut Nunatta karsia akissaqarsimanngippat, najugaqartut iluarsaassinissamut akissaqartut Naalakkersuisunit ilumut nalilerneqarsimappat?

Ulloq 21.november tusagassiutinut akitsuinissaq pillugu nalunaaruteqarassi, Inatsisartut peqqussutaat nr.2, 12.maj 2005-imeersoq toqqammavigalusiuk nalunaaruteqarputi. Ullumikkullu 12.december Qanoruumi Peqqussut pineqartoq tunngavilersuutiginasuuk, Nalunaarummik suuneranik taanngisassinnik tunngavilersuuteqarlusi akitsuinissaq unioqqutitsisuunnginneraparsi. Sunaana taanna Nalunaarut pineqartoq? Aamma 21.november akitsuinissamik nalunaaruteqarassi taanna Nalunaarut soq ilanngullugu tunngavilersuutigineqarsimanngila?

Taamatutaaq Qanoruumi oqaatigivat inissiat oqummik eqqorneqarsimasut iluarsaanneqarnissaasa qanoq naleqarnerat ilisimallusiuk, naak siusinnerusukkut §37 atorlugu apeqqutinnut akissutinni akigaluartutit oqummik misissuisoqarsimanngitsoq aammalu misissuisoqassamaanngitsoq. Taamaattumik paasersuppara inissiat oquttut iluarsaanneqarnissaat illoqarfinni suni inissisimanersut qanorlu naleqarnerat?

Isumaqarpunga 2012-13-imilu akitsuinikkut katillugit 26mio.kr.-inik isertitsinerarnissarsi eqqortuunngitsoq. Tassami inissat 6.500-it pineqartut 500kr.-imillu ukiuni taakkunani akitsuigaanni inernera tassaavoq 65mio.kr., naak ilai 1.000kr.-mik akitsorneqartussat ilanngukkaanni inernera annertunerusussaagaluartoq. Isumaqarpsi aningaasat taamak amerlatigisut najugaqartuniit aassallugit akissaqartinneqartut?

Malik Berthelsen, Siumut